

新纂云南通志

第四函
正十冊

新纂雲南通志卷二十二目錄

地理考三

形勢

全省

各府廳州

新纂雲南通志卷二十三

地理考三

形勢

易經論守國必言設險孫子作兵書亦重地形况滇省偏近强鄰則形勢烏容不講述形勢

全省

中國地勢起西北匯東南獨滇居西南凡大江以南之山多由滇派分論形勢有登高而呼之概焉夫左繞金沙右界瀾潞重關複嶺鳥道羊腸此滇之大勢也雲南一府山盤水曲較諸郡稍平行用建省治控馭兩迤東以曲靖爲門戶西以楚雄爲屏藩澂江衛其南武定障其北大理居迤西之中設提督標與省會相策應焉至元江臨安

開化廣南接壤交趾永昌順寧普洱鎮邊外臨緬甸永北麗江近鄰
藏康此數郡者實資鎖鑰其餘東川昭通廣西諸郡與黔蜀粵西境
相連壤相錯也自越併於法緬淪於英滇於國防關係尤重故畧述
全省形勢於右而分紀各府廳州縣形勢於左焉

參雍正志及採訪

雲南府

十一城保障環會治以成屏五百里滇池匯金沙而入海右襟楚武
左帶曲澂居全滇之腹心爲各郡之元首

雲南府志

昆明縣

郭附

左環金馬右擁碧雞列昆海以爲池枕螺峯而帶郭川原平遠溝洫
縱橫水秀山明南州冠冕

參雍正志及採訪

富民縣

九峯聳拔三臥蜿蜒山產靈芝之水流農納省城之藩蔽武定之咽喉

雍正志

宜良縣

龍山東峙象嶺西橫北樂爲枕盤江作帶會城鎖鑰澂曲咽喉

參雍正志及雲南府

志

羅次縣

東擁玉龍西帶金水高山如礪平川若帶鎖關楚武羽翼會城

參康熙志及雲南府

志

晉寧州

左盤龍而右望鶴前大堡而後滇池負山帶郭腴田沃壤屏衛省會

控引臨元

參雍正志及晉寧州志

呈貢縣

面臨昆海背倚三台梁山拱秀於南馬料廻環於北平原廣野郡南

輔車

雍正志

安寧州

玉帶灤廻碧繞螳螂之渚石寶竝立青垂筆架之雲西迤門庭省城

肘腋

雍正志

祿豐縣

背負五臺層巖聳挿天之秀面環四水川原流潤地之膏郡屬要津

滇西孔道

雲南府志

昆陽州

蒙果秀列二峯渠濫流經五甸扼滇池之津要據螳川之上游

雍正志

易門縣

東繞易江西環綠汁北橫智勇南聳黎崖南甸巖疆昆西重邑

參雲南府志及採訪

嵩明州

秀嵩挿雲帶羣山而護郭嘉利匯澤積衆水以膏田四野平疇一方

重地

雲南府志

大理府

地稱若水山號昆彌環以瀾滄金沙鎖以石橋鐵柱倚鶴麗爲北蔽
藉楚雄作東門蒙順南屏永昌西障爲西南之大郡據全省之上游

參雍正志及採訪

太和縣

郭附

背倚點蒼面臨洱海龍首關扼其北龍尾關塞其南山水高深形勢

險要爲蒙段兩氏之首府稱西南第一之名區

參大理府志及採訪

趙州

北瀕西洱河南障昆彌嶺一人荷戟萬夫趨當西南之通衢爲郡城之扼要

參康熙志及趙州志

雲南縣

原野中開岡巒四塞形勝完固陂塘廻環當八郡之通衢以楚姚爲門戶孔仙橋其要害安南關其咽喉

參雍正志及雲南縣志

鄧川州

雞足東峙龍首南雄西據象嶺之奇北阻蒲陀之險帶洱海襟雙湖扼榆郡之上流亦西迤之要地

鄧川州志

浪穹縣

羅坪距首寧海盪胸左據茨河右鈴蒲峽西迤勝地南詔各區

參雍正志及大理府

志

賓川州

鍾英東峙雞足西蟠內擁赤崖鐵索之巖區外繞金沙洱水之天塹

康熙志

雲龍州

後阻瀾江前臨沘水崇山複嶺號稱巖疆

雍正志

臨安府

高山大澤宅其中長江大河繞其外五司棋布外鎖重關八屬星羅
內雄遠甸南鄰交趾北蔽澂江爲滇省之名區作邊陲之保障

道光志

建水縣

郭附

石門峯嶧雄一夫獨守之關巖洞奇峩峙萬壑爭流之砥煥嶺橫開
玉璧雲龍矗立青霄後繞曲江前潔禮社山環水抱形勝之區

參景泰圖
經及臨安

志府

石屏州

外環峻嶺兩水西流中起高原雙湖東注左臨郡治修沖廻十里之
岡右俯元江關口扼重巖之險北枕龍朋曠野爲河通二縣之藩籬
南瀕禮社藤條以外五司爲保障

參臨安府
志及採訪

阿迷州

盤江廻於東北瀘水匯於西南伏象雄蹲烏充俯瞰地多橫衍形攀

弧府志
臨安

寧州

東繞盤江西濱杞麓南環曲溪瓜水北接星雲撫仙四面水鄉中開平野雖稱僻壤亦屬要區

採訪

通海縣

杞湖匯衆水之流秀山出羣峯之表彈丸小邑三郡通衢

參雍正志及採訪

河西縣

東瞰杞湖西橫普應南環曲水北枕陀關據寧州通海之上游爲江川新興之屏障

採訪

嶍嶺縣

萬峯壓境兩水環城臨郡巖疆普元通道

採訪

蒙自縣

外衛層山中爲沃野金銀錫銻百洞齊開滇南控扼之雄衝交趾往

來之要道

參臨安府志及蒙自縣志

楚雄府

南環禮社北據金沙七邑星羅三井泉湧合楚姚二府之地當東西兩迤之衝雲府而外最爲大郡

參雍正志及探訪

楚雄縣

附郭

四達皆通有隘可守會城屏蔽西道咽喉西南袤長距城甚遠永盛一帶頗稱奧區

參雍正志及楚雄府志

鎮南州

阿雄英武關塞當衝苴水盤山險要足據一方重地九府通衢

雍正志

南安州

安甸雨竈地皆扼要安郎法裏山盡嵯峨不無伏莽之虞當爲綢繆

之計磾嘉山峙卜門水流黑石哀牢逼近防守宜嚴

雍正志

姚州

東據前場南阻三窯北繞金沙西環一泡關雄江險形勢甚佳

採訪

大姚縣

東排書案西聳文峰南翔鳳凰北騰龍馬羣峯拱秀一水潔澄北境
苴却據金沙大曲之中心即諸葛所渡之瀘水天炎地險歷史名區

參大姚縣志及楊慎引沈黎古志

廣通縣

陡澗廻環高岡綿亘響水回巒二關爲鎖鑰羅苴和茶兩地爲奧區

雍正志

定遠縣

獅山前拱龍岡後蟠羊嶺右蹲象峯左峙四圍峻嶺中衍平川背拊

姚安吭扼武定

參雍正志及楚雄府志

澂江府

北倚省會南接臨安東據龜山赤水之雄西連嶍嶧新化之險疆域雖小居東迤之中心山水極清爲滇南之名地

雍正志及澂江

河陽縣

附郭

東西北三隅負山惟正南一面臨水湖深峯峻關險城完既稱魚稻之鄉兼扼金湯之固

參雍正志及澂江府志及採訪

江川縣

北枕關嶺南繞星雲海門孤山當兩湖之扼乃澂臨二郡咽喉普妙九寨負衆山之險爲迤東一帶屏障

參雍正志及澂江府志

新興州

東西環山南北通谷玉溪爲帶鐵爐爲關作會城之屏藩亦東迤之

倉廩

參雍正志新興
州志及採訪

路南州

竹子崇高千仞石林奇特萬峯龜山雄峙一方盤江曲繞兩面東與

廣曲接界西爲郡治屏藩

參雍正志
及採訪

廣南府

東北兩面錯入粵西正南一隅獨當交趾屏蔽廣曲犄角臨開據左
右二江之上游爲西南國防之要地

採訪

寶寧縣

郭附

巨壑崇崖深林峻阪南限以西洋之水北表以牌頭之山一夫當關

千人莫入

雍正志

順寧府

衆山環繞於西南瀾滄襟帶於東北荒徼資其控制封疆賴其藩籬

光節道志

順寧縣

萬山叢峙兩水夾流城南四十三里有把邊山上有關兩山對立一

徑中通崎嶇扼塞實稱險要

參順寧府志及方輿紀要

雲州

天馬山屏障於後猛卯山列戟於前二水交纏萬山圍繞永鎮關扼

吭之險神舟渡天塹之雄

雲州志

緬寧廳

萬山稠疊一水潔廻嶺峻途紓以耿馬土司爲屏障

光緒續志

曲靖府

東通黔桂南鄰廣澂北接東川西蔽省會實西南之重鎮視諸郡爲最衝

訪採

南寧縣

郭附

帶水環山平原廣野爲全滇之鎖鑰作兩迤之門庭

雍正志

霑益州

層山繞其西北二水交於東南地當黔蜀之衝山接烏蒙之險

雍正志

陸涼州

中延東匯石門局爲澂廣之通衢實興古之要鎮

雍正志

馬龍州